

Славянъ можетъ разумѣти намъ ниже Россіани, ниже Поляки, ниже Сербли, ниже Ліри, ниже Чехи, единымъ словомъ ниже саміи наши прадѣди иже говоряху прежде четырехъ вѣковъ сей истый языкъ, аще бы Услышали насъ како говоримъ днесъ, во истинну глаголю, имѣли бы подвигъ великъ еже разумѣти намъ. Пять словесъ не можемъ произнести дондеже не смѣсимъ и иныхъ чуждыхъ. О! колики срамоты насъ ради, колики тужбы достойни есмы! Толико заблудихомъ праваго пути, яко не можемъ никогда возвратитися по нему, аще и да опытуемъ на всякъ день отъ сея вины велики духовны и граждански пагубы, не пробуждаемъ отрясти бѣдность сію и поставити училища, во еже учитися прежде природнаго нашего языка, и улеснитися въ говореніи и писаніи по нему, якоже творять толика друга просвѣщенна племена. Подобаеть намъ грамматику по нему изучити, яко искусство глаголанія: числительныя науки, землеписанія, и различныхъ иныхъ полезныхъ искусствъ имиже возможи намъ оправитися въ глаголаніи, въ правописаніи, и въ краснописаніи обучитися. Понеже кій народъ пренебрегаетъ и укаряетъ свой языкъ, пренебре-